



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CLXXVII. Bischof Nicolaus von Camin genehmigt die Stiftung eines Altars der Wollenwebergehülfen in der Pfarrkirche zu Königsberg, am 25. Juli 1399.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

consules memoratum altare, cum ipsum vacare contingerit nemini, nisi pro quo supradicte fraternitatis fratres supplicauerint, debeant conferre et eundem duntaxat paternitati venerande diocefani presentare, Quodque memorati altaris altaris, qui pro tempore fuerit, propria in persona koningesberg debeat residere ac plebano pro tempore existenti in omnibus licitis et honestis parere et obedire. Si vero altaristam alibi contingeret residere, extunc nemo nisi qui de consilio et voluntate consulum predictorum per fratres sepedicte fraternitatis ad id electus fuerit, ipsum altare debet officiare, cui tunc officianti, qui pro tempore fuerit, integri redditus totaliter distribui et dari debeant effectiue absque ipsius vicarii aliqua contradictione. Vt ergo supradictam donacionem vna cum omnibus suis clausulis auctoritate vestra ordinaria approbare, confirmare et ratificare dignemini, reuerendissimam paternitatem vestram presentibus deprecamur — Sub anno domini M° CCC° XC nono, Ipso die Natiuitatis sancti Johannis baptiste.

Nach dem Originale des Königsberger Stadtarchives No. 11.

CLXXVII. Bischof Nicolaus von Camin genehmigt die Stiftung eines Altars der Wollenwebergehilfen in der Pfarrkirche zu Königsberg, am 25. Juli 1399.

— Nicolaus, dei et apostolice sedis gratia Episcopus ecclesie Caminensis — vidimus et audiuius litteras honorabilium virorum Johannis Werkman, Nycolai Bysterstorp, Johannis Bergeman et henninghi Smed, Rectorum et magistrorum, nec non Tiderici czellin et Johannis Obel, prouisorum, famulorum lanificum Ciuitatis konynghesberge nostre Caminensis dioecesis, super instauratione, fundatione et dotatione vnus perpetui altaris, de expresse et obtento consensu honorabilis et Religiosi viri domini detleui de Walmden, fratris ordinis sancti Johannis sacre domus hospitalis Jerosolymitani per Saxoniam, Slauiam, Marchiam et Pomeraniam preceptoris generalis, in ecclesia parochiali dicte ciuitatis ad honorem dei omnipotentis sueque genitricis Marie virginis gloriose, necnon Beati Jacobi maioris apostoli gloriosi fundandi et consecrandi cum Trecentis et sexaginta quinque marcis Stettinensium denariorum et redditibus, qui inde deifice comparari poterint pro dote dicti altaris deputatis et assignatis etc. — premissi altaris instaurationem et fundationem — approbamus — Datum Colbergh dicte nostre Caminensis dioecesis, Sub anno domini millesimo Trecentesimo nonagesimo nono, die vicesima quinta mensis Julii, maiori nostro sub sigillo.

Nach dem Originale des Königsberger Stadtarchives No. 140.